

BODO (CODE: 192)

CLASS-XII

Session 2026-27

Marking Scheme

Time: 3:00 Hours

Marks: 80

		Part-A (Objective Type MCQ Paper)	गासै नमबर- 80
सौथि नं.	1.		5x1=5
	(i)	फिन: (D) दाजाबदाफोरा सानफ्रोमबो उदां सोदोबफोरनि उनाव जिरायनानैसो गावखौ औथिगोनां खालामनो हायो।	1
	(ii)	फिन: (D) {जा-}	1
	(iii)	फिन: (A) {-आ, -या, -वा}	1
	(iv)	फिन: (B) थाथेरहायै	1
	(v)	फिन: (B) भाग्य जा	1
सौथि नं.	2.		10x1=10
	(i)	फिन: (C) संसारनि अननायजों गोजोनै	1
	(ii)	फिन: (A) मेथाइनि देंखो ससे	1
	(iii)	फिन: (B) बिमानि हायना महरखौ	1
	(iv)	फिन: (D) बेयो दोसे फेसला खनथाइ।	1
	(v)	फिन: (B) गंनीया दैमा सेरनि शुमबिलि बारियाव गसनानै	1
	(vi)	फिन: (A) एमबु जरानि हाबा होब्ला अखा फैयो होनना फोथायो।	1
	(vii)	फिन: (D) सेंग्राफोरखौ खामानि मावनाय नुब्लासो सिखलाफोरा खामानि मावनो औंखारबोगोन।	1
	(viii)	फिन: (B) सानजों समान	1
	(ix)	फिन: (B) सुबुंफोरजों सामलायजानाय सरखार।	1
	(x)	फिन: (A) बेयाव इसोर एबा अबंलाउरिनि गुमुरनि सोमोनदै मिथिनो मोनो।	1

सॉथि नं.	3.		10x1=10
	(i)	फिन: (A) रावना-रावनिनि सल'बाथा	1
	(ii)	फिन: (D) हौ हौ	1
	(iii)	फिन: (A) दे	1
	(iv)	फिन: (B) भाइरासनिफ्राय	1
	(v)	फिन: (B) निरासाबादि	1
	(vi)	फिन: (A) मपासा	1
	(vii)	फिन: (C) रनेन्द्र नारायण बसुमतारी	1
	(viii)	फिन: (B) जिबौनि बिदैया गला जायो	1
	(ix)	फिन: (D) खुंसा	1
	(x)	फिन: (A) खेराइसालियाव	1
		Part-B (Descriptive Type Pen and Paper Test)	
सॉथि नं.	4.		5x2=10
	(i)	फिन: रेभारेण्ड सिदनि एण्डेला 1864 मायथाइयाव आसामनि तेजपुराव थानाय बर' खृष्टानफोरनि धोरोम गुरु हेजेलमियारनि लेडाइ जानानै फैदोमोन। बिथाडा नाजासे नाजानानै बर' रावखौ सोलोनानै बर' गामि गामि बेरायनानै बर'फोरनि हाबा हुखा, दामनाय देनाय, मोसानाय मुसुरनाय, रंजानाय बाजानाय बायदिफोराव नुजाहैयोमोन। सोरनिबा नखराव मानसि थैव्लाबो बिथाडा नुजाहैनानै थैनायजो सोमोनदो गोनां आसार खानथिफोरखौ नायनानै लिरथुमना दोनोमोन। बिथानि बे बादि आखुखौ नुनानैनो बर'फोरा अननानै बिथांखौ गामिनि ब्राइ होनना गाबज़ियोमोन।	2
	(ii)	फिन: माखासे सुबुडा हरखाबै सिमाडाव माबा गोहोनिफ्राय सुबुंनि बेराम फाहामनायनि मुलि एबा मोनथोर मोननाय होननानै दाबि खालामो। सोर सोरबा नुवाथारि गोहोनि बिगोमा जादों होननानै दानि एबा इयुननि बाथ्रा बुंनो नागिरो। नाथाय बे गोहोफोरनि बिगियानारि जेबो बिथा मोननो थाडा। बेखायनो आथिखालनि बिगियाननि मुगायाव सिमाडाव मोननाय मुलि बाहायनायनि सोलाय बिगियानारि मुलि बाहायनायावसो बांसिन गोसो होनांगौ।	2

	(iii)	फिनः बर'फोरनि खेराइया मोनबा। बेफोर जादों- संसारनि खेराइ, उमराव एबा आमथि खेराइ, दर्शन खेराइ एबा माइनाव खेराइ, फालो खेराइ एबा बाथौ खेराइ आरो ननि खेराइ।	2
	(iv)	फिनः 'गोथां गाब गाथोंसै खनथाइयाव' खनथाइगिरिया गोथां गाबजों थांनानै थानायखौनो फोरमायनो नाजादों। आथिखाल मुगानि मुखुब सुबुंफोरनि गोरबोफोरा जाहाथे गावजों लोगोसेनो गुबुनफोरखौबो थांनानै थानो थुलुंगाखांहोयो बेखायनो गोथां गाब गाथोंसै होनना बुंदों।	2
	(v)	फिनः 'मोदै' खनथाइयाव खनथाइगिरिया बुंदों दि सुबुंनि साननाय-हासथायनायफोरा जाफुडाब्लानो मोदैया गयो। बेनि अनगायैबो सुबुडा गावखौ अराइ फोथांनानै लाखिनो मोदै हुगारनांगौ जायो होननानै बुंदों।	2
सौंथि नं.	5.		7x5=35
	(i)	फिनः 'मोनाबिलि' खनथाइया समर ब्रह्म चौधुरीनि दोसे मुंख'जाथाव रमानटिक खनथाइ। खनथाइयाव मोनाबिलि समनि समायना मिथिंगायारि सावगारिखौ नुनो मोननाय जादों। खनथाइगिरिया मोनाबिलि समाव गावनि गामि सेरजों बोहैलांनाय गंनीया दैमानि सेरनि सुमब्लि बारियाव गसंनानै नोजोर होदों। मोनाबिलिनि अख्राडाव रिथि-रिथा हाथर्खि जौनाय, दाउ थिया, दाउथेबफोरा मेथाइ खनै खनै न फारसे बिरलांनाय, बार सिउ सिउ बारनायजों खनथाइगिरिनि गोसोआ बोदोर जायो। नाथाय बे बादि गोजोन बुब्लियावबो बिथाडा बर' माहारिनि गोम्लैसोनाय थासारिखौ गोसोखांनानै दुखु मोनदों। बेनो खनथाइयाव ओरै बेरखांदों- नाथाय बर'नि बादि गोम्लैसोनाय माहारियाव सानबोलाउरिया खंगा, बिरखांनो हाया। बियो मोनाबिलिनि समायना महराव बोदोर जादों। मोनाबिलि समाव सोरबा लाउखरा दुबुलि बारियाव माइनारा दामनाय, माइमुथि बुथुमै बुथुमै मेथाइ खननाय बायदि बर' समाजनि मोनाबिलि समनि सावगारिया खनथाइयाव ओरै बेरखांदों- पुषनि रोमोदो दुब्लियाव सोरबा लाउखारनि माइनारा दामनाय रिंखाडो;	5

		माइमुथि बुथुमै बुथुमै हगारसारनाय सोरबा दाहोनानि बालाबगासे गंनीया दैमानि हरै बारै गोमसारहैयो, आंनिबो गोसोआव रिसारफैयो। बेनि अनगायैबो सान सिखोलाया रेसम खानाइजों गावनि सोमायना महरखौ आनदो खालामना लानायखौबो खनथाइनि गेजेरजों ओरै फोरमायदों- अन्जिमा गैयि हाबिला लानानै नों अनसुमै सानखौ बरायबोदों; रेसम खानाइजों आन्दो खालामनानै गावनि बिखायावल' बजबना लादों। बे बादिनो 'मोनाबिलि' खनथाइयाव मोनाबिलि समनि समायना सावगारिफोरा जायगा मोनदों। खनथाइयाव खनथाइगिरिया मोनाबिलिखौ Personify खालामदोंब्लाबो इसान मोसाहारिनि 'मोनाबिलि' खनथाइनि बादि आबुं Personificationखौ नुनो मोननाय जायाखै।	
	(ii)	फिनः बर' थुनलाइ मुलुगाव प्रम'द चन्द्र ब्रह्मवा सासे गोजों अलंबार। अलंबार, हाथखि-हाला, सानसि-मुसि बायदि मुंदांखा लाइसिफोरनि सुजुगिरि ब्रह्मवा सासे मुंदांखा रायथाइगिरि, खनथाइगिरिबो। बिथाडा सोरजिनाय खनथाइफोरनि सोमोनदै सावरायनो नाजानाय जाबाय। बिथानि खनथाइफोराव रमान्टिक, मिष्टिक, हारिफोजाखानाय बायदि सानसिफोरानो जायगा मोनो। बिथानि मुख'जाथाव खनथाइफोरा जादों- हायेननि सुफिन, दै-बाजुम, दाहा, दानसोरां हराव, खामाइनि बिसार, बायदि बरन, कबि नों, अरन, उनदाहा, आरज हाला, सोर हमनायनि, आनान गसाइ, बिदा-फंबाय, जिउनि बेलासेयाव, मुं बे मुं गोनां, थैनाय, गामि गोदान, रथ'लै रथ', संसारनि अननाय, हांसो बिलाथि, बिमा-फिसा, हालुवा, सिब्राइ सामथांसि, मोसा अरनाय नुनानै बायदि बायदि। बिथानि बांसिन खनथाइफोरानो गोथौ सानसिजों आबुं आरो गोरलै गोरलै रावजों लिरनाय। बांसिन खनथाइफोरानो खबाम गोरोबनाय। फंसे रावजों बुंनंगौब्ला बिथाडा सासे जाफुंसार खनथाइगिरिजों लोगोसे बिथाडा सासे जाफुंसार सुजुगिरिबो।	5
	(iii)	फिनः थारजा एबा उदां सोदोबजों गुबुन ओंथि फोरमायनो मोनसे एबा बेनिखुइ बांसिन उदां सोदोबनि सिगां एबा उनाव जाय दाजाबदा सिनफोरखौ दाजाबनाय जायो बेफोरखौनो दाजाबदा बुंनाय जायो। दाजाबदाखौ सोदोबनि सिगां गेजेर एबा उनाव जिरायनायखौ नोजोर होनानै मोनथाम बाहागोआव राननाय जादों। बेफोर-	5

	(क) सिगां दाजाबदा (ख) गेजेर दाजाबदा (ग) उन दाजाबदा क) सिगां दाजाबदा: सिगां दाजाबदाफोरा सानफ्रोमबो उदां सोदोबफोरनि सिगाडाव जिरायनानै गावखौ ओंथि गोनां खालामो। बे सिगां दाजाबदाफोरा माब्लाबा मुंमा, माब्लाबा थायजानि सिगाडाव जिरायनायखौ नुनो मोनो। जेरै- गो-लाव>गोलाव गु-सुं>गुसुं बि-बार>बिबार फि-थाय>फिथाइ ख) गेजेर दाजाबदा: गेजेर दाजाबदाफोरा थारजा एबा उदां सोदोबनि गेजेराव जिरायनानै गावबा गावनि ओंथिखौ फोरमायहोनो हायो। मुंखनो गोनां दि बर' रावाव गेजेर दाजाबदानि बाहायनाय गैया नाथाय संस्कृत, आरबिक, तगालग बायदि रावफोराव गेजेर दाजाबदानि बाहायनाय दं। ग) उन दाजाबदा: बर' रावाव उन दाजाबदानि बाहायनाय दं। उन दाजाबदाफोरा थार एबा गुबै सोदोबनि उनाव जिरायनानै गावबा गावनि ओंथिखौ फोरमायनो हायो। उन दाजाबदाफोरखौ गाहाइयै मुंमा, मुंराइ, थाइलालि, थायजा बायदिफोरनि उनाव दाजाबनाय जायो। गाहायाव मोननैसो बिदिनथिनि गेजेरजों दिनथिनो नाजानाय जाबाय- मानसि-आ>मानसिया दाउ-फोर>दाउफोर आदा-मोन>आदामोन जा-बाय>जाबाय थां-दोंमोन>थांदोंमोन गोजौनि सावरायनायनिफ्राय मिथिनो हाबाय बर' रावाव सिगां आरो उन दाजाबदानिल बाहायनाय दं। बेजों लोगोसेनो सिगां दाजाबदानि रुजुनायाव उन दाजाबदानि बाहायनाया बांसिन।	
(iv)	फिन: 'ओंखारनाय खानसिया हाबनो रोडा'आ मोनसे मुंख'जाथाव बाथा फाव। खानसिया जाथोसे हा सिडाव गुदुं खालामनानै थाग्रा फिसा मानबायग्रा जिबि आरो बेनि जर'खा आखुथाइया जादों खनसे गुदुंनिफ्राय ओंखारलानायनि उनाव बेयो गुदुडाव हाबफिननो रोडा। बे बादिनो जायखिजाया खामानि मावखानाय एबा बाथा बुंखानायनि उनाव बे मावनाय खामानि एबा बुंनाय बाथाया माब्लाबाबो जोबनानै एबा गोमानानै थाडा। बेयो मानसिफोरजों सावरायजागोन, बाखनायजागोन, सोंखारिजागोन एबा अनसायजागोन। बे बादि मावखानाय एबा बुंखानाय खामानिजों सोमोनदो गोनां थासारिखौ फोरमायनो बे बाथा फावखौ बाहायनाय जायो।	5

	(v) सिम, गाहाइ सुजुगिरि रादाब बिलाइनि मुं: XX जायगा: XX खालार: XX बे लाइजामनि गेजेरजौ नोंथांखौ बेखौनो फोरमायनो नाजानाय जायो दि दैबानाया आसामनि देरसिन जेंनाफोरनि गेजेराव मोनसे। आसामनि धुबुरिनिफ्राय सडियासिम गासैबो जायगायानो बोसोरफ्रोमबो दैबानानि गोब्राब जेंनाजौ लुफावजायो आरो गोबां मानसियानो न-बां खोमानो गोनां जायो। बे गेदेर जेंनाखौ फोजोबसांनो थाखाय रायजो सोरखार आरो मिरु सोरखारा जेसेबां गोनांथि होनांगौमोन एसेबां गोनांथि होनायखौ नुवाखै। बेखायनो नोंथानि रादाब बिलाइनि गेजेरजौ आसामनि मोनसे गिरंथाव जेंनाखौ फोजोबसांहोनो थाखाय रायजो सोरखारजौ लोगोसेनो मिरु सोरखारखौबो नोजोर बोनो हागोन होननानै मिजिंथिबाय। बेखायनो नोंथाडा आसामनि बे बादि मोनसे गेदेर जेंनाखौ सुसांनायनि राहाफोरजौ लोगोसेनो मानसिफोरनि गेजेराव दैबानानि गिलोबालो जेंना, बेनिफ्राय रैखा मोननायनि राहा आरो सरासनसा सुबुंफोरनि मावनांगौ बिबान बे गासैबो बिथिंफोरनि सायाव बिथा खालामनानै मोनसे रादाब फोसावगोन होननानै मिजिंथिबाय। नोंथानि फोथायसुला, मुं: XXX	5
	(vi) फिन: भारतारि सानथौवा बेसेन मोनदांथिनि सानथौ। भारतारि सानथौवा सोनाबारि सानथौ बादि रहस्यनिफ्रायल' सोमजियाखे बबेखानि गोनांथिनि जाउनावसो सोमजिदों। समाजनि खानथियारि आरो सोलेरारि गोनांथिनिफ्रायनो सोमजियो। भारतारि सानथौवा बेसेन मोनदांथिखौ मोनब्रै बाहागोआव रानदों- धोरोम, रां-खावरि, हाबा आरो मक्ष एबा उदां जानाय। धोरोमा जादों खानथियारि बेसेन मोनदांथि, जाय सुबुंखौ मावनांगौनि सोमोनदै खिनथाना होयो। बबेखानि रां-खाउरि आरो हाबाखौ सामलायनांगौ धोरोमानो। बेनि अनगायैबो मोजां एबा गाज्जिनि फारागथिखौ दिनथियो धोरोमानो। मक्ष एबा उदां जानाया जादों सुबुं जिउनि साबसिन थांखि मोननायनि राहा। बे मोनब्रैनि अनगायैबो भारतारि जिउ सानथौवा मोनथाम गाहाइ बेसेन मोनदांथिनि सायाव फसंजादों। बे जादों सैथो, शिब आरो समायना।	5
	(vii) फिन: लाइमोन बैसोआव सोलेरारि जौगासारथाइखौ गोरलैयैनो हमदांनो हायो। जौमोन बैसोआव आगान होनाय लोगो लोगो हौवासा हिनजावसाफोरनि सोलेरारि दाथाइया सोलायलाडो। जोनोम होनो हानायनि गोहो मोनफुनाया	5

		लाइमोन बैसोनि मोनसे मुंख'जाथाव आखुथाइ। बेनि जाहोनाव सोलेरारि गोबां सोलायथाइ फैयो जेरै- बाश्चा रिंसारनि सोलायथाइ। बे जोबनो गैयि सोलायथाइफोरानो सेंगा-सिखिलनि गोसोआव गाव सांघांथियारि साननाय लाबोयो, जाय नंखायै लाजिनाय, गिनाय एबा उसु-खुथु साननाय सोमजिहोयो। बेनि अनगायैबो उलथा आथोननि फारसे हाबिलास, लुबैनाया लाइमोन बैसोनि गुबुन मोनसे मुंख'जाथाव आखुथाइ। उनदै बैसोआव समान आथोननि लोगोसे गोरोबनो लुबैनायनि उत्थायै लाइमोन बैसोआव उलथा आथोनजों बांसिन गोरोबनो लुबैनायखौ नुनो मोनो। बे गासैबो बिथिंफोरखौ नोजोर होब्ला नुनो मोनो लाइमोन बैसोआव सेंगा सिखलाफोरा जौमोननि फेजेनहायि गोहोनि बिगोमा जायो। बे गोहोखौ मोजां लामाजों दैदेनलानो हायोब्ला मानसिया जाफुंसार जानो हानायखौ नुनो मोनो।	
सोंथि नं	6.	फिनः गोजौनि बे फराखोनदोआव आर्य-अनार्यफोरनि मोदाइ सिबिनायनि खोथा बेरखांनायखौ नुनो मोनदों। 'बेद'आ भारतारि आर्यफोरनि बयनिरुइ गोजामसिन थुनलाइ सोरजि। बेयावबो मोदाइजोफोरखौ सिबिनायनि नेरसोन नुनो मोनो। बिष्णु मोदाइ आरो शिब मोदाइ सिबिनायनि खोथाफोराबो एसे एनै रायखांजादों। आथिखाल भारताव लिंग' सिबिनाय खानथिया अनार्यफोरनि होननानै गोबां गोरोंगोराफोरानो बुंनो नागिरो। हिनदुफोरनि श्राध्द खुंनायनि नेमाबो अनार्यफोरनि होनना बुंदों। अनार्य समाजाव दाबो गोथैनि सोलेरखौ सिबिनाय खानथि दं। गोथौसालियाव जागा-लौंगा मुवा, गाननाय-जोमनाय बायदि जिरादफोर बाउनाय नेम दं। नाथाय बे नेम-खानथिफोरखौ आर्य-अनार्य मोननैबो समाजाव सोलिबाय थानायखौ नुनो मोनो। शिबखौ दक्ष राजानि जज्ञआव नेवसिनाय जादोंमोन मानोना शिबआ अनार्यफोरनि मोदाइमोन। आर्य समाजा बिखौ बै समाव गनायना लायाखैमोन नाथाय उननि सफोराव शिबा आर्य समाजाव जायगा मोनदोंमोन। बेजों लोगोसेनो जौनि कामाख्या मोदाइजोआबो आर्य समाजाव जायगा मोनाखैमोन। मानोना बियो अनार्य मोदाइजोमोन। नाथाय उननि समफोराव आर्यफोरा गनायना लानो गोनां जादोंमोन। कच राजानि राइजो खुंनाय सिगां कामाख्या थानसालिनि सिबिगाया गार' हारिनि मनसिमोन होनना रायथाइगिरिया बुंदों।	5
सोंथि नं.	7.	फिनः बे खनथाइ खलबाव सासे आइजो थामहिनबा बिमानि अरज गाबनाय सानसि बेरखांनाय नुनो मोनदों। बेयाव सासे आखल मोजां हिनजावनि सावगारि बेरखांदों। सासे बिमानि थाखाय बिनि फिसा-फिसौवानो गासैबो। बियो माब्लाबाबो गाव जाग्रोनाय खोथाखौ साननो हाया। गाव मोनजायाब्लाबो फिसा-फिसौल' मोनजाथों होननानै आरज गाबदों ओरै- नाडा आफा आंनो जेबो आं मोनजा लागि दामोनजा- फिसा-फिसौनो होल नोडो	5

	बेनि अनगायैबो नखरनि बिब'-बिनानाव, बिबोनां, बिजावजालि बयजौबो मिनिबाला सुखु गोजोनै थानो मोनथौं होनना बुंदों। मानोना बयखौबो समान नोजौरै नायाब्ला एबा समानै अनाब्ला नखरा थेर बेथेर जालांगोन, दुखु-हांमा फैगोन। बेनो खनथाइयाव ओरै बेरखांदों- बिब-बिनानावजौ बिबोनांफोरजौ बिजावजालिजौ बयजौबो मिनिबाला थानो मोनथौं। रावजौबो नांज्लाया रावजौबो खमज्लाया नथौं आंनि गोसोआ रावबो मालाय नडा। सासे आइजो एबा हिनजावनि थाखाय फिसाइयानो गासैबो। फिसाइ गैयाब्ला जेबो गैया बादियानोसै। बेखायनो फिसाइखौ सिबिनानै, बिखौ बुजायनानै थैस'-थांस' बिजौनो संसार जानो मोनबाय थारौं होनना बुंदों। बेनो खनथाइयाव ओरै बेरखांदों- फिसाइआनो आंनि जिउ फिसाइआनो आंनि दोहोन फिसाइ मोनजाब्लानो आंनि मोजां बेखौ गोसोआव थि लानानै सुवामिखौ जेब्लाबो बुनजायनो हारौं थैस'-थांस' बिजौनो लोगो जानो मोनथौं। गोजौनि सावरायनायनिफ्राय बेखौनो मिथिनो हायो दि नखर सामलायनो नखरनि गाहाइ बिबानखौ आइजोआनो लानांगोन। गोबां समाव हौवाफोरा खामानि मावनाय, खामायनायावनो नांथाबना थायो। बे बिथिडाव नखरनि बयखौबो अननानै नखरखौ समालायलानायनि बिबाना आइजोफोरनियावनो थायो। बेखायनो नखर सामलायनायाव बे बादि गुनि गियानि आखल मोजां हिनजावफोरनि गोनांथिखौ रावबो जोगारनो हाया बे बाथ्रायानो बे खनथाइनि गेजेरजौ बेरखानायखौ नुनो मोनो।	
--	---	--